

Gvaq Cieng Lo!

过年啦!

Vah bouxbien: Cieng yied daeuj yied gyawj, vunzlai gak dieg gih raeuz nyaengq cawx huq, guh gaiqgwn, soengq fukdoiq, yawj foux saeceij daengj, angqcoux cieng daeuj daengz.



▲ 1 nyied 14 hauh, diuz gai "Doengxhaemh Nanzningz" gih raeuz rongh daeng hai haw, yinx le haujlai vunz daeuj neix yawj vadaeng, foux saeceij, cimz gaiqgwn, dauqcawq vunz lai vunz daih, gig miz gij fwnhveiz gvaq cieng.
(Yi Sienghceenz/喻湘泉)



▲ 1 nyied 13 hauh, ndaw hawciengz gai huq gvaq cieng Gveilinz Si Cenzcouh Yen, gak cungj fukdoiq, daengloengz daengj huq baijledled, hoengzfwgfwg. Gyoengqvunz youq neix dajcawx huq gvaq cieng, nauhyied raeuh.
(Dangz Gvangjdungh/唐广东)



▲ Youq Yungzsuij Myauzcuz Swciyen Bwzyinz Yangh Mbanj Dayauz, mehmbwk Yauzcuz sim' angq naj riu dwk youzcas.
(Lanz Yi/兰 堃)



▲ 1 nyied 13 hauh, Bwzswz Si Denzyangz Gih guh buek hozdung saedguh vwnzmingz bi 2023 coux cieng daengz. Song bak lai boux-gagnyienh laeb baenz cib lai aen doih gagnyienh fugsae, hawj vunzlai raiz fukdoiq, soengq cih "fuk", fat mbawlig caeuq gegangj cwngcwz leih minz daengj, angqcoux bi moq.

(Vangz Cwnggenz/黄政权 Vangz Gozsun/黄国顺)

► 1 Nyied 14 hauh, Sanhgyangh Duncuz Swciyen guh baez satbyai "sing fwen yiengj youq ndoi sam swngj" Gvangjsih Huznanz Yinznanz caez doxdax eu fwen caeuq aen yizsiz fat ciengj. Seiqcib haj boux canghfwen aeu ndaej mbawcwng caeuq vaiz, mou, yiengz daengj ciengjbinj. Vunzlai yien ciengjbinj daegbied de angqangq yangzyangz ma gvaq cieng.

(Gungh Bujganh/龚普康 Liengz Siumingz/梁秀明)

